

ՀԱՂՈՐԴՈՒՄՆԵՐ

ՆՈՐ ՊԵՂՈՒՄՆԵՐ ԶՕՐԱՑ ՔԱՐԵՐ ՀՆԱՎԱՅՐՈՒՄ

ԱՇՈՏ ՓԻԼԻՊՈՍԵԱՆ
piliposyan@yahoo.com

Պատմական Սիւնիքի հնագիտական յուշարձանների մէջ յատուկ տեղ ունի Զօրաց Քարեր հնավայրը: Գրականութեան մէջ այն յայտնի է *Դիք-Դիք* կամ *Յից-Յից Քարեր*, *Զօրաց Քարեր*, *Քարեզօրք*, *Ղոշուն Դաշ*, վերջերս նաեւ *Քարահունջ* անուանական տարբերակներով: Յուշարձանը գտնուում է Սիսիան քաղաքից 3 կմ հիւսիս, Որոտան Գետի Դար վտակի ձախ ափին, ծովի մակարդակից 1770 մ բարձրութիւն ունեցող հարթեցումած հրուանդանի վրայ: Յուշարձանի աշխարհագրական տուեալներն են՝ հս. լ. 39°33'02.52"ը եւ արւ. երկ. 46°01'42.96"ը:

Ժողովրդական գրոյցների համաձայն հնում յուշարձանի տարածքում գոյութիւն ունեցող մեծ քարակոյտերի մէջ զօրավարներ, իսկ ուղղահայեաց կանգնեցումած հսկայ քարաբեկորների տակ զինուորներ են թաղել: Հենց այդ պատճառով էլ հնավայրը «Զօրաց Քարեր» անուանումն է ստացել:

ԺԹ. դարավերջին եւ Ի. դարասկզբին տարածքը հետազօտել են Ե. Մելիք-Շահնազարովն ու Երուանդ Լալայեանը, 1920-30ականներին՝ Ստեփան Լիսիցեանը, 50-60ականներին՝ Մօրուա Հասրաթեանը եւ Ս. Եսայեանը, 70-80ականներին՝ Օ. Խնկիկեանը, Է. Պարսամեանը, Գ. Արեշեանը, Բ. Սադոյեանը, Ի. դարավերջին եւ ԻԱ. դարասկզբին՝ Պարիս Հերունին, ապա Հ. Մարտիրոսեանը, Վ. եւ Մ. Վահրադեանները, իսկ 2010-15՝ հնագէտներ Ա. Փիլիպոսեանը, Ա. Բոբոխեանը, Հ. Աւետիսեանը, Ա. Գնունին, Գ. Սարգսեանը եւ այլք³: Այդուհանդերձ, առ այսօր, հնավայրը մասնագիտական առումով պատշաճ եւ համակողմանի ուսումնասիրուած չէ, ինչն էլ հակասական, անհամահունկ, երբեմն նաեւ ոչ-գիտական բազմաթիւ մեկնաբանութիւնների տեղիք է տալիս:

Սիսիանի եւ դրա մերձակայքի մասին տեղեկութիւններ պարունակող աղայժմ ամենավաղ գրաւոր սկզբնաղբիւրները՝ Վանի Թագաւորութեան (Ուրարտու) երեք սեպագիր արձանագրութիւններն են: Վերջիններս թէն ուղղակի փաստեր չեն տալիս Զօրաց Քարեր հնավայրի մասին, սակայն կարեւոր նիւթեր են պարունակում այս տարածքի Ք.ա. Ը.-Է. դդ. ընկերա-քաղաքական գործընթացների վերաբերեալ: Դրանք, պահպանուել են Սարդուրի Բ.ի (Ք.ա. 764-35) տարեգրութեան մի հատուածում⁴,

Թանահատ Վանքի մօտ գտնուած Արգիշթի Բ.ի (Ք.ա. 714—685) քարակոթողի սեպագիր արձանագրութեան մէջ⁵ եւ Ռուսա Բ.ի (Ք.ա. 685—45)⁶ Այանիսում բացուած *susi* տաճարի մուտքի արձանագրութիւնում⁶:

Սարդուրի Բ.ի տարեգրութեան խնդրոյ առարկայ հատուածը⁷ հաղորդում է.—

[13] ... Նոյն տարում երկրորդ անգամ (ես) շարժուեցի Էթիունի (երկրի), Լիքի (երկրի) [14] կողմը: Էդիանի (քաղաքը⁸), արքայական քաղաքն Աքիանի (առաջնորդի), (որ) ամրացուել էր, մարտում (ես) գրաւեցի: [15] Իրուիա(նի) (քաղաքը), արքայական քաղաքն Իրկուա(նի) (առաջնորդի), (որ) ամրացուել էր, [16] մարտում (ես) գրաւեցի: Իրդուա(նի) (քաղաքը), արքայական քաղաքն Ուերդա(նի) (առաջնորդի), (որ) ամրացուել [17] էր, մարտում (ես) գրաւեցի: Բուինի(ալիսի) (քաղաքի) արքային (ես) ծառայ դարձրի (ես) վրան հարկ [18] կարգեցի, (որպէսզի նա) հարկատու լինի Սարդուրի (արքային): Այս չորս ամրոցները [19] երկրներում ես նուաճեցի: Տղամարդկանց, կանանց այստեղից (ես) գաղթեցրի: [20] 3500 պատանի, 15000 կին, 4000 զինուորներ [21] (ես) տարայ: 8525 (գլուխ) խոշոր եղջերաւոր անասուն (այստեղից ես) բշեցի: 18000 (գլուխ) մանր եղջերաւոր անասուն (այստեղից ես) բշեցի...

Ուրարտագէտ Գ. Մելիքիշվիլու կարծիքով, Սարդուրի Բ.ի տարեգրութեան վերը ներկայացուած հատուածում հաղորդւում է Ք.ա. 751-50՝ Անդրկովկասի հարաւում⁹ տեղի ունեցած իրադարձութիւնների մասին, որոնցում, ընդհանուր առմամբ, յատկապէս ընդգծւում է Էթիունի (վկայուած է նաեւ Էթիուիսի ձեւով) համադաշնութեան դերը: Վերջինս զբաղեցնում էր Սարիղամիշից մինչեւ Սեանայ Լիճը եւ Գուգարքից մինչեւ Արաքս Գետի աւազանը¹⁰: Խնդիրն անելի որոշակիացաւ 1975ին, երբ Սիսիանից ոչ-հեռու՝ Թանահատ Վանքի մերձակայքում յայտնաբերուեց Ք.ա. Ը.-է. դդ. սամանագծին Արգիշթի Բ.ի կանգնեցրած քարակոթողը՝ դիմային եւ հակադարձ նիստերին մասնակի պահպանուած սեպագիր արձանագրութիւններով¹¹: Դրանք յայտնում են.—

Դիմային նիստ

1. Խալդի (աստծուն), տիրոջը,
2. այս կոթողը Արգիշթին՝
3. Ռուսայի որդին կանգնեցրեց,
4. (իր) կեանքի համար:
5. Թող լինի Խալդի (աստծոյ) կողմից
6. Արգիշթի (արքային)
7. Ռուսայի որդուն
8. բարեբարութիւն, *ekuše* (?),

9. երջանկություն, կեանք,
10. ուրախություն, վեհություն,
11. ինչպես նաեւ իշխանություն,
12. ուժ (եւ) հզօրություն:
13. Խալդեան զօրութեամբ...

?? ...մէկ օրում (ես) նուաճեցի...

Հակադարձ նիստ

1. Ինձ ներկայացաւ ... արքան
2. Էթիօպիայի երկրի, Կոնեց հարկը
3. (իր) երկրի: Որոշ քաղաքներ
4. լսեցին տեղում:
5. Որոշ զօրացուկաւորներ
6. *ari biri (?)*²: Այստեղ ջարդ
7. (ես) արեցի, Կողմարդկանց, Կանանց տարայ,
8. քաղաքներն այրեցի, ամրոցներն աներեցի:
9. *Isiasie (?)* բոլորը միասին:
10. Ճակատամարտ եղաւ: Մեծատուրները
11. Ծովուքու (երկրի) այնտեղից
12. (եկան եւ) Իրդուա քաղաքի դիմաց կանգնեցին
13. իմ առջեւ: Հազինու արքային ես սպրկացրի,
14. հարկ սահմանեցի: Խալդեան
15. զօրութեամբ արշաւող (?)
16. Արգիշթին՝ Ռուսայի որդին,
17. արքայ է հզօր, արքան Բիայնա (երկրի),
18. Տէրը Տուշպա քաղաքի:
19. Խալդեան հրամանով
20. Արգիշթին ասում է. Ամէնքը (?)
21. Շիւինի աստծոյ [տաճարի] քրմապետի (?) դիակիզմանը (?) [եկան ?]:
22. Գնացի (ես) այդ ճանապարհով (դէպի)
23. Ամուշա (քաղաքը), Կողմարդկանց,
24. Կանանց բռնեցի Բիայնա (երկիրը):
25. Արգիշթին ասում է.
26. ով (իմ) անունը ոչնչացնի
27. (եւ) իր անունը տեղադրի, լինի (նա)
28. Բիայնացի, (թէ) լինի
29. թշնամի, թող Խալդի (աստուածը)
30. Թէլշեբա (աստուածը), Շիւինի (աստուածը), բոլոր (միա)
աստուածները
31. ոչ (նրա) անունը, ոչ
32. սերմը, ոչ
33. սերունդը երկրի վրայ

Արձանագրութեան մէջ, փաստօրէն, տրուած են, դէպի Էթիովսի (Էթիովսի) համադաշնութեան արեւելեան շրջաններն Արգիշթի Բ.ի կատարած արշաւանքի մանրամասները: Համաձայն արձանագրութեան՝ թէւ Էթիովսիի առաջնորդը ներկայացել է Արգիշթի Բ.ին, տուել համադաշնութեան հարկը ու յայտնել իր հնազանդութիւնը, այդուհանդերձ, նրա իշխանութեան տակ գտնուող հարաւային որոշ քաղաքների կառավարիչներ - Ծուլուքու Երկրի առաջնորդ Զագինուի թելադրանքով - չեն ենթարկուել ուրարտացի արքային եւ պատրաստուել դիմադրութեան: Մարտում ընդդիմադիրներն անյաջողութիւն են կրել եւ, արդէն ստիպուած, Ծուլուքուի ծերակոյտն Իրդուա քաղաքի առջեւ ներկայացել է Արգիշթի Բ.ին, ընդունել նրա բոլոր պայմանները եւ ողորմածութիւն հայցել: Զագինու առաջնորդը ստրկացուել է եւ պարտաւորուել հարկ վճարել: Արձանագրութիւնից երեւում է, որ անգամ այս ամենից յետոյ, Ծուլուքու Երկրի մէկ այլ քաղաքի՝ Ամուշայի բնակիչները շարունակել են դիմադրութիւնը եւ միայն զգալի կորուստների գնով Արգիշթի Բ.ին յաջողուել է վերջնականապէս հնազանդեցնել նրանց, ապա ներկայիս Թանահատ Վանքի մօտ կանգնեցնել է իր յաղթական կրթողը:

Թանահատի արձանագրութիւնը ոչ միայն կարեւոր տեղեկութիւններ է տալիս պատմական Սիւնիքում եւ մասնատրապէս ժամանակակից Սիսիան քաղաքին յարակից տարածքներում Ք.ա. Ը. դարավերջին եւ է. դարի առաջին քառորդին տեղի ունեցած դէպքերի մասին, այլեւ հնարատրութիւն է ընծեռում տեղանունական վերակազմութիւններ կատարել: Ըստ այդմ, բացառիկ նշանակութիւն ունի Էթիովսի (Էթիովսի) համադաշնութեան Ծուլուքու երկրանուան յիշատակումը, որը մասնագէտների կարծիքով տեղորոշում է Սիսիանի շրջանում եւ ուղղակիօրէն կապուած է միջնադարեան Սիւնիքի Ծղուկ Գաւառի անուան հետ¹³: Արձանագրութեան մէջ յիշատակուող Ծուլուքու Երկրի Իրդուա եւ Ամուշա քաղաքների անուանումների արձագանգները եւս, ըստ Ն. Յարութիւնեանի, հնարատր է նկատել պատմական Սիւնիքի Ծղուկ գաւառում յիշատակուող Մուցք, Արիտ եւ Արթէք բնակավայրերի անուններում¹⁴: Այս ենթահողում աշխատում է նաեւ Սարդուրի Բ.ի տարեգրութեան համապատասխան հատուածում պահպանուած տեղեկատուութիւնը Էթիովսի երկրի 4 քաղաքների նուաճման մասին¹⁵: Դրանց թում (Թանահատի արձանագրութիւնում նկարագրուող դէպքերից շուրջ կէս դար առաջ) յիշատակում է նաեւ Ուերդա առաջնորդի Իրդուա արքայական քաղաքը: Այսինքն, Սարդուրի Բ.ի տարեգրութեան այդ հատուածում եւս խօսում է դէպի Ծուլուքու Երկրի

կատարում արշաւանքի մասին, առանց յիշատակելու վերջինիս անունը: Դրա փոխարէն բերում են նոյն տարածքում գտնուող եւս 3 քաղաքների (Էրիդա, Իրուփա, Բուփնիալիսի) եւ դրանցից 2ի առաջնորդների (Արիանի, Իրկուա) անունները: Այս տարածքից Ք.ա. Ը. դարակէսին Սարդուրի Բ.ի տարւած 8525 գլուխ խոշոր եւ 18,000 գլուխ մանր եղջերաւոր անասունների, գերեվարում 3500 պատանիների, 15,000 կանանց եւ 4000 զինուորների ընդհանուր քանակը (դրան աւելացրած Արգիշթի Բ.ի Ք.ա. Ը. դարավերջի կամ Է. դարասկզբի աւարը) վկայում է տեղում Ք.ա. Ը.-է. դարերում ճեւատրուած, տնտեսական զգալի հնարատրութիւնների, ինչպէս նաեւ մարդկային ու ռազմական լուրջ ներուժ ունեցող ցեղային կազմաւորման մասին: Ներկայացրուած ինքնին հաստատում է նաեւ Այանիսի ուրարտական ամրոցի, Խալդի աստծոյ *susi* տաճարի մուտքի աջ հատուածում Ռուսա Բ.ի թողած սեպագիր արձանագրութիւնը, որի 10-11րդ տողերում¹⁶ արձանագրուած է.-

[10] Ռուսա Արգիշթորդին ասում է. տարայ տղամարդկանց, կանանց [ու անասունը] թշնամի երկրների՝ Աշշուրի, [11] Թարգունիի, Էթիունիի, Թաքլանիի, Քայնարուի, Խաթէի, Մուշքինիի, Ծիլուքուի...

Ուրեմն Ծուլուքու երկիրը (արձանագրութիւնում տրուած է «Ծիլուքու» ձեւով) Ք.ա. Է. դարի առաջին կէսին, հզօր Աշշուրի, Խաթէի, Մուշքերի երկրի եւ Էթիունիի հետ միասին հակառակորդ կողմ էր Վանի Թագաւորութեանը (Ուրարտու):

Բանն այն է, որ Զօրաց Քարերի մասին կարեւոր տեղեկութիւններ են տալիս ինչպէս յուշարձանից, այնպէս էլ նրա շրջակայքից հաւաքուած նիւթական մշակոյթի մնացորդները: Դեռեւ 1930ականներին այս տարածքից հնագիտական նիւթեր է հաւաքել ազգագրագէտ Լիսիցեանը¹⁷, իսկ 1980ականներին Զօրաց Քարերում երկաթէդարեան դամբարաններ է պեղել Իսկիկեանը¹⁸:

Զօրաց Քարերում հնագիտական աշխատանքները վերսկսուեցին 2013ին ՀՀ մշակոյթի նախարարութեան «Պատմամշակութային Արգելոց-Թանգարանների եւ Պատմական Միջավայրի Պահպանութեան Ծառայութիւն» ՊՈԱԿի հնագիտական արշաւախմբի կողմից (ղեկավար՝ պրոֆեսոր Ա. Փիլիպոսեան): Դրանք մէկ անգամ եւս հաստատեցին հնավայրի տարածքում բնակավայրի եւ նրան կից դամբարանադաշտի առկայութիւնը: Բնակավայրը զբաղեցնում է յուշարձանի հիւսիսային հատուածը, շրջափակուած է տեղ-տեղ մինչեւ 2 մ բարձրութեան հասնող կոպտաշար պարսպով եւ ունի մուտք, որը հարաւային կողմից է: Բնակավայրում նկատելի են ուղղանկիւնածէ կառոյցների, բլուրածէ շինութեան, թաքստոցների եւ տնտեսական հորերի մնացորդներ, որոնք,

ժամանակի ընթացքում (Ք.ա. ԺԹ. դարից մինչև Ք.ե. ԺԴ. դար) բազմիցս վերակառուցումների են ենթարկուել:

Դամբարանադաշտը կից է բնակավայրին հարափց: Երեք տասնեակից անելի մեծ դամբարաններ քանդուած են եւ թալանուած: Դամբարանների կառուցման համար անհրաժեշտ շինանիւթը հիմնականում բերուել է մօտ 1 կմ արեւելք գտնուող բլրակից, որը ժամանակին քարհանք է ծառայել¹⁹: Մեծ դամբանախցերի վերին մակերեսները կրճատելու եւ դրանք փոքր ծածկասալերով փակելու համար անհրաժեշտ է եղել իւրայատուկ ծածկի՝ «կեղծ թաղի» կառուցում²⁰: Դրա համար առանձնացուել են զանգուածեղ, ծանր հիմք եւ համեմատաբար բարակ վերնամաս ունեցող քարաբեկորները, որոնց առաւել դիւրին ու անվնաս տեղափոխման համար՝ իւրաքանչիւրի նեղ ու բարակ վերնամասում 5-10 սմ. անցք է բացուել: Այնուհետեւ երկարատուն (մինչեւ 3,5-4 մ երկարութեամբ), զանգուածեղ (3-4 տոննայից ոչ-պակաս քաշով) այդ քարաբեկորները մեծ դամբանախցերի երկայնական երկու կողմերից տեղադրուել են այնպէս, որ համեմատաբար բարակ ու նեղ հատուածները լինեն կառոյցի վերնամասում, իսկ ծալալուն ու ծանր մասերը՝ յենուեն դամբանապատերի վրայ: Նման կառուցուածքի շնորհիւ «կեղծ թաղի» բրգածել քարաբեկորները մի կողմից կրճատել են դամբանախցի վերնամասի թռիչքը, իսկ միա կողմից՝ իրենց վրայ տեղադրուած ծածկասալերի ծանրութեան տակ չեն շրջուել դամբանախցի մէջ:

Հենց այդպիսին է դամբարանադաշտի կենտրոնական հատուածում գտնուող եւ 2014-17ի ընթացքում հետազօտուած դամբարանը²¹: Կառոյցն օղակուած է շուրջ 18 մ տրամագիծ ունեցող քարաշար *կրումլէխով*²², որի կենտրոնում մօտ 7 մ երկարութեամբ եւ 3 մ լայնքով դամբանախուցն է, կողմնորոշուած՝ արեւմուտքից արեւելք: *Կրումլէխի* ներքին տարածքը՝ մինչեւ դամբանախցի պատերը, ամբողջութեամբ պատուած է մանր քարալիցքով: *Կրումլէխի* շրջանածել շարի արեւմտեան եզրից սկսում է մօտ 1 մ լայնք, 1 մ խորութիւն եւ շուրջ 7 մ երկարութիւն ունեցող, քարաշար, ստորգետնեայ մուտք, որը ձգուելով դէպի արեւելք միանում է դամբանախցին: Վերջինիս 2013-16ի պեղման աշխատանքների ընթացքում հանուեցին ներս թափուած 3 ծածկասալերը, ինչպէս նաեւ բացուեցին տարբեր ժամանակաշրջանների վերաբերող նիւթեր՝ միջինբրոնզէդարեան գունազարդ անօթների բեկորներ, ուջբրոնզէդարեան խեցեղէնի մասեր, երկաթէդարեան սեւ, գորշ եւ բաց դարչնաւուն կաւանօթների մնացորդներ, Ք.ա. Ժ.-Ը./է. դարերին վերաբերող երկաթէ նիզակներ, կեռ դաշոյն, բրոնզէ մագիսիլ, շաղախից ուլունքահատիկներ են.: 2017ին խցի վերջնական պեղումների արդիւնքում, 3,15 մ խորութեան վրայ ի յայտ եկան Ք.ա. Բ.

հազարամեակի վերջ-Ա. հազարամեակի առաջին կեսով թուագրուող խեցեղէնի, բրոնզէ ապարանջանների, սորդիոնէ ուլունքերի եւ հնամարդաբանական նիւթերի (ըստ նախնական տուեալների՝ 4 մարդու) բազմաթիւ մնացորդներ: Պեղուած նիւթը հետաքրքիր տեղեկութիւններ է պարունակում նաեւ մշակութային փոխանցութիւնների վերաբերեալ: Մասնատրապէս յայտնաբերուած որոշ խեցանօթների բեկորներ ուղղակի կապեր են մատնանշում իրանական սարահարթի երկաթդարեան հնավայրերի հետ: Դատելով հելլենիստական շրջանի երկու գունազարդ կաւաբեկորների եւ ներկուած իրանով, օժազլուփ բրոնզէ ապարանջանների առկայութիւնից՝ դամբանախցի յատակին Ք.ա. 2-Դ. դարերում կատարուել է նաեւ մանկան թաղում:

Արշաախումբը 2017 Հոկտեմբերին պեղման աշխատանքներ իրականացրեց նաեւ յուշարձանն արեւելեան կողմից եզերող եւ ուղղաձիգ դիրքով կանգնեցուած զանգուածեղ քարաբեկորների հատուածում: Աշխատանքների արդիւնքում բացուեց այդ քարերի տակ շարուած եւ յուշարձանի արեւելեան եզրով հարաւից հիւսիս ձգուող պարսպի շուրջ 1,50 մ բարձրութեամբ եւ 10 մ երկարութեամբ լաւ պահպանուած շարուածքը: Դրա մօտից եւ միջից յայտնաբերուած խեցու բեկորները հիմնականում վերաբերում են Ք.ա. 2-Ե. դարերին. սա թոյլ է տալիս նախնական կարծիք յայտնել վերջինիս կառուցման ժամանակաշրջանի մասին: Ըստ որում հիւսիսից հարաւ ձգուող պատը, դատելով պեղուած հատուածում բացուած կից կառոյցից, տեղ-տեղ համալրուել է կցակառոյցներով, որոնք, հաւանաբար, տելի ամուր ու կայուն են դարձրել շարը:

Հաշուի առնելով ե՛ւ գրաւոր, ե՛ւ հնագիտական նիւթերի ընձեռած այսօրուայ տուեալները, հրապուրիչ է Ծովուքու երկրի կողմից վերահսկուող տարածքի մէջ ժամանակին մտնող Զօրաց Քարերի երկաթդարեան հզօր բնակատեղին համադրելու Սարդուրի Բ.ի եւ Արգիշթի Բ.ի մօտ յիշատակուող տեղի բնակավայրերից որեւէ մէկի (թերեւս Իրդուա կամ Ամուշա «քաղաքների») հետ: Սակայն դա հապճեպ եւ առայժմ շատ առումներով չհիմնաւորուած մօտեցում կարող է լինել: Կարծում ենք, որ յետագայ պեղումները դեռ հնարաւորութիւն կը տան յուշարձանի տարածքում անելի հիմնաւոր նիւթեր եւ - չի բացառուած - գրաւոր սկզբնաղբիւրներ գտնել ու դրանց հիման վրայ պարզել ինչպէս ընդհանուր տարածքի, այնպէս եւ բուն յուշարձանի հին անուանումները:

ԾԱՆՕԹԱԳՐՈՒԹԻՒՆՆԵՐ

¹ Е. Мелик-Шахназаровъ, “Гошунъ-Дашъ,” *Сборникъ Матеріалов для Описанія Местностей И Племень Кавказа* (Ե. Մելիք-Շահնազարով, «Ղոշուն-Դաշ»,

- Կովկասի տեղանքի եւ ցեղերի նկարագրական նիւթերի ժողովածու), Կովկասի Կրթական Վարչաշրջանի Հրատ., թողարկում XIII, Թիֆլիս, 1892, էջ 124-7. Նաեւ՝ Ե. Լալայեան, *Դամբանների Պեղումներ Խորհրդային Հայաստանում*, Երեւան, Մեյքոնեան Ֆոնդի Հրատ., 1931, էջ 63, 66, նկ. 14. Նաեւ՝ Ն. Արոնց, *Հայաստանի Պատմութիւն*, Երեւան, «Հայաստան» Հրատ., 1972, էջ 11. Նաեւ՝ Թ. Յակոբեան, Ստ. Մելիք-Բախշեան, Յ. Բարսեղեան, *Հայաստանի եւ Յարակից Շրջանների Տեղանունների Բառարան*, Հյոր. 3, Երեւան, Երեւանի Համալսարանի Հրատ., 1991, էջ 575, Հյոր. 5, Երեւան, Երեւանի Համալսարանի Հրատ., 2001, էջ 323, 669:
- ² Արամ Ղանալանեան, *Աանդապարտում*, Երեւան, Հայկական ՍՍՀ ԳԱ Հրատ., 1969, էջ 263, 270:
- ³ Ե. Լալայեան, «Սիսիան, Նիւթեր Ապագայ Ոսումնասիրութեան Համար», *Ազգագրական Հանդէս* # Գ., Թիֆլիս, 1898, էջ 162-82. Նաեւ նոյն՝ «Շարուր Դարալագեագի Գառո», *Ազգագրական Հանդէս*, Գիրք XII, Թիֆլիս, 1904, էջ 264. Նաեւ՝ Ս. Բարխուդարեան, «Գորիսի, Սիսիանի եւ Ղափանի Շրջաններ», *Դիւան Հայ Վիմագրութեան Մարտնաշար*, # Ա, Երեւան, Հայկական ՍՍՀ ԳԱ Հրատ., 1960, էջ 122. Նաեւ՝ Ստեփան Լիսիցեան, *Ձանգեզուրի Հայերը*, Երեւան, Հայկական ՍՍՀ ԳԱ Հրատ., 1969, տախտակ CXIV. Նաեւ՝ Ս. Եսայեան, «Ձանգեզուրի Վաղ Հնագիտական Յուշարձանները», *Լրաբեր*, 1972:4, էջ 65. Նաեւ՝ Օ. Խնկիկեան, «Սիսիանի Զօրաքարերը», *Հայաստանի Բնութիւնը*, Երեւան, 1984:4. Նաեւ՝ Մ. Հասրաթեան, *Պատմա-Հնագիտական Ոսումնասիրութիւններ*, Երեւան, Հայկական ՍՍՀ ԳԱ Հրատ., 1985, էջ 175. Նաեւ՝ Վ. Յարութիւնեան, *Հայկական Ծարտարապետութեան Պատմութիւն*, Երեւան, Հայկական ՍՍՀ ԳԱ Հրատ., 1992, էջ 13. Նաեւ՝ Պարիս Հերունի, «Քարահունջ - Հնագոյն Աստղադիտարան Սիսիանում», *Գարուն*, Երեւան, 1998:5, էջ 87-93. Նաեւ՝ Ս. Դերուն, «Доисторическая Каменная Обсерватория Карахундж-Карени» (Պ. Հերունի, «Մինչպատմական Քարէ Աստղադիտարան Քարահունջ - Քարենի»), *Հայաստանի Ազգային Ակադեմիայի Զեկոյցներ*, # 4, Երեւան, 1998, էջ 307-28. Նաեւ՝ Օ. Տ. Մնկկյան, *Syunik' During the Bronze and Iron Ages*, Barrington, 2002, էջ 9, 25-9, 60-1, 65-7, 148, 167, pl. VI-VII, XL, pl. LIII, fig. 1-32, pl. LIV, fig. 5-9. Նաեւ՝ Հ. Անտիսեան, Ա. Գնունի, Ա. Բորոխեան, Գ. Մարգսեան, *Բրոնզ-Երկաթեդարեան Միւնիքի Սրբազան Լանդշաֆտը*, Երեւան, ԵՊՀ Հրատ., 2015:
- ⁴ Դ. Մելլիկիշուի, *Սարտսկիե Կլիոօօբրաշնիե Ոոոոսիս* (Գ. Մելիքիշուիի, Ուրարտական Սեպագիր Արձանագրութիւններ), Մոսկուա, 1960, էջ 273-5. Նաեւ՝ Ն. Արուտյոն, *Կոռնոս Սարտսկիե Կլիոօօբրաշնիե Ոոոոսիս* (Ն. Յարութիւնեան, Ուրարտական Սեպագիր Արձանագրութիւնների Համահաւաք), Երեւան, 2001, էջ 227-9:
- ⁵ * Ն. Յարութիւնեան, «Արգիշտի II-ի Նորայայտ Սեպագիրը», *Պատմաբանասիրական Հանդէս*, 1979:3, էջ 93-104. Նաեւ՝ Ն. Արուտյոն, «Новая Урартская Надпись из Сисиана», *Древний Восток*, (Ն. Յարութիւնեան, «Ուրարտական Նոր Արձանագրութիւն Սիսիանից»), *Հին Արեւելք*, 1983:4,

Երեւան, էջ 195-229. Նաեւ՝ Վ. Գայսերեան, «Արգիշթէ II-ի Սիսիանի Արձանագրութիւնը», *Լրաբեր*, 1986:6, էջ 67-79:

⁶ M. Salvini, "The Inscriptions Ayanis (Rusahinili Eiduru-Kai): Cunieform and Hieroglyphic" in *Ayanis I (Ten Years Excavations at Rusahinili Eiduru-kai, 1989-1998)*, *Documenta Asiana VI*, edited by Altan Çilingiroğlu and Mirjo Salvini, Հոռմ, 2001, էջ 258, նկ. 10-12:

⁷ Меликишвили, 155, А 13-21. Նաեւ՝ Арутюнян, 241, А 13-21:

⁸ Արձանագրութիւնում URU «քաղաք» բացայայտչի փոխարէն ուրարտացի գրչի կողմից սխալմամբ փորագրուել է KUR «երկիր» բացայայտչը: Արձանագրութեան շարունակութիւնը հաստատում է, որ խօսքը ոչ թէ երկրի, այլ ամրացում «քաղաքի»՝ բնակավայրի մասին է: Վերծանման մէջ այն ներկայացւում է «քաղաք» ձեւով:

⁹ Меликишвили, էջ 300-1, 430-1:

¹⁰ Н. Арутюнян, *Топонимика Урарту* (Ն. Յարութիւնեան, Ուրարտուի Տեղանունաբանութիւնը), Երեւան, Հայկական ՍՍՀ ԳԱ Հրատ., 1985, էջ 262-3:

¹¹ Арутюнян, "Новая", էջ 212-5:

¹² Թերեւս նշանակում է «ընդդիմացան, ըմբոստացան, ապստամբեցին»:

¹³ Н. Арутюнян, «Заметки по Урартской Эпиграфике», *Древний Восток и Мировая Культура*, (Ն. Յարութիւնեան, Դիտողութիւններ Ուրարտական Վիմագրութեան շուրջ, *Հին Արեւելքն Ու Համաշխարհային Մշակոյթը* ժողովածու) Մոսկուա, 1981, էջ 78-9. Նաեւ՝ Арутюнян, "Новая", էջ 217-8. Նաեւ՝ Арутюнян, *Топонимика*, էջ 236-7. Նաեւ՝ Ստեփաննոս Օրբէլեան, *Պարմութիւն Նահանգին Սիսական*, Թիֆլիս, 1910, էջ 325, 509. Նաեւ՝ Աշոտ Աբրահամեան, *Անանիա Շիրակացու Մատենագիտութիւնը*, Երեւան, Հայպետհրատ, 1944, էջ 350. Նաեւ՝ Ա. Երեմեան, *Հայաստանը Ըստ «Աշխատացոյց»-ի*, Երեւան, Հայկական ՍՍՀ ԳԱ Հրատ., 1963, էջ 109-10. Նաեւ՝ Ստեփաննոս Օրբէլեան, *Սիւնիքի Պարմութիւն*, Երեւան, «Սովետական Գրող» Հրատ., 1986, էջ 394-5:

¹⁴ Арутюнян, "Новая", էջ 218:

¹⁵ Меликишвили, 155, А, 18-19. Նաեւ՝ Арутюнян, 241, А, 18-19.

¹⁶ Salvini, էջ 258, նկ. 10-12:

¹⁷ Ներկայումս դրանք Հայաստանի Պատմութեան Թանգարանի թիւ 962 հնագիտական հաւաքածուն են կազմում:

¹⁸ Хnkikyan, էջ 65-7, նկ. 4, pl. VI-VII, XL, pl. LIII, fig. 1-32, pl. LIV, fig. 5-9.

¹⁹ Ա. Փիլիպոսեան, Ա. Աազեան, *Զորաց Քարեր*, Երեւան, 2016, էջ 12:

²⁰ Ժ. Խաչատրեան, «Հայաստանում «Կեղծ Թաղի» Առաջացման Հարցի Շուրջ», *Պարմարանասիրական Հանդէս*, 1982:3, էջ 227-32:

²¹ Այն որոշ ոչ-մասնագէտ հետաքրքրուողներ «աստղադիտարան» են յորջորջում:

²² «Կրոմլէխ»ն ընդունուած եզր է հնագիտութեան մէջ եւ կիրառուած է բոլոր լեզուներում: Այն կազմուած է բրետոներէն "crom" - «շրջան, սեղան» եւ "lech" - «քար» բառարմատներից եւ նշանակում է «քարերից շարուած շրջան, քարէ բոլորաշրջան»: Նման շրջանները բրոնզի եւ երկաթի պարբերաշրջաններում կառուցուած էին դամբանախցերի շուրջբոլորը եւ սահմանազատում այն սրբազան տարածքը, որում իրականացուել էր թաղման արարողութիւնը:

